



القبول الإلكتروني الموحد
في الجامعات الحكومية
بمدينة الرياض

تجارب طلاب وطالبات جامعات الرياض في المفاضلة الشخصية للمسار الصحي

١٤٣٩-١٤٤٠ هـ


أولاً : جامعة الملك سعود



بعض النصائح والتعليمات :

- مقابلة سعود كلها باللغة العربية وتعتمد على الاستبيان اللي وزعوه (موجود بالصفحة الجاية)
- مقابلة يوم الاحد (اليوم الأول) كانت للعيال فقط بدون البنات
- ايش نجيب معانا؟
- الاصل لبطاقة الهوية او جواز السفر + الاصل من شهادة الثانوية
- الافضل يكون معاكم قلم وتجون قبل المقابلة بدري
- ما ياخذ وقت كثير لانها مقابلة فقط بدون اختبار تحديد المستوى
- نتايج المقابلة تطلع بموقع القبول الموحد مع باقي التخصصات
- اختبار تحديد المستوى محوسب ويحددون وقته بعد المقابلة
- للبنات : مهم تلبسون تنورة (لبس رسمي)
- للعيال : يفضل الزي الوطني.

المستندات المطلوبة	
الاصول المطلوبة	
❖ الثانوية العامة. ❖ أصل شهادة الإتمام والسجل الأكاديمي لنظام المقررات ❖ شهادة الصف الحادي عشر والثاني عشر للمدارس العالمية ❖ شهادة الثانوية مع معادلة وزارة التعليم للثانوية من خارج المملكة	الطالبات السعوديات
❖ الهوية الوطنية ❖ أو جواز السفر و بطاقة العائلة	
❖ الإقامة يظهر عليها عبارة: (ابنة مواطنة) ❖ شهادة الميلاد + الإقامة + هوية الأم	
❖ الثانوية العامة. ❖ أصل شهادة الإتمام والسجل الأكاديمي لنظام المقررات ❖ شهادة الصف الحادي عشر والثاني عشر للمدارس العالمية ❖ شهادة الثانوية مع معادلة وزارة التعليم للثانوية من خارج المملكة	الطالبات بنات المواطنات



الشكل التقريبي لطاولات
سعود اللي يسألون عليها

* المستندات المطلوبه
للبنات ..

الميلاد	تاريخ الميلاد:	/ / ١٤ هـ
	مكان الميلاد:	/
المدرسة الثانوية	اسم المدرسة:	
	المحافظة:	
	الدولة:	
مكان إقامة الوالدين	المدينة:	المحافظة:
الحالة الصحية	هل تعاني أي من المشاكل الصحية الآتية:	
	<input type="checkbox"/> مشاكل في النطق <input type="checkbox"/> ضعف سمع أو صمم <input type="checkbox"/> ضعف إبصار أو عمى <input type="checkbox"/> إلتحباب الكبد الوبائي <input type="checkbox"/> قصور وظائف الكبد <input type="checkbox"/> مرض تكسر كريات الدم البيضاء <input type="checkbox"/> مرض فقر البانعة <input type="checkbox"/> أمراض القلب <input type="checkbox"/> مرض السكري <input type="checkbox"/> مرض الضغط <input type="checkbox"/> الحمى <input type="checkbox"/> الربو <input type="checkbox"/> أمراض الجهاز التنفسي <input type="checkbox"/> قصور وظائف الكلى <input type="checkbox"/> اضطرابات نفسية <input type="checkbox"/> مشكلة صحية أخرى:	
ثانياً	ما هو ترتيب رغبتك في القبول للكليات الصحية بعد إتمام برنامج السنة التحضيرية بنجاح؟ (ملاحظة : تحقيق الرغبة يعتمد على المعدل التراكمي والنسبة المرحبة للقبول وتوفر مقعد بكل كلية):	
	١.	٢.
ثالثاً	ما هو سبب اختيارك للرغبة الأولى (يمكن اختيار أكثر من إجابة) ؟	
	<input type="checkbox"/> رغبة وطموح شخصي <input type="checkbox"/> بسبب حصولي على معدل مرتفع <input type="checkbox"/> تحقيقاً لرغبة الأهل والأقارب <input type="checkbox"/> أسباب أخرى (حدد):	<input type="checkbox"/> المزايا المالية المتوقعة للخريجة <input type="checkbox"/> نظرة المجتمع الإيجابية لخريجة الكلية <input type="checkbox"/> الرغبة في الاقتداء بزميلات الدراسة
رابعاً	في حالة عدم تحقيق رغبتك الأولى بعد إتمام برنامج السنة التحضيرية ، ما هو القرار الذي ستتخذه؟	
	<input type="checkbox"/> أبحث عن قبول في جامعة أخرى <input type="checkbox"/> أقبل بالتخصص المتاح لي <input type="checkbox"/> أكرر فكرة أن بما سأقرره في حينه	<input type="checkbox"/> أحول إلى كلية أخرى غير الكليات الصحية <input type="checkbox"/> أبحث عن فرصة لابتعاث خارجي <input type="checkbox"/> أكرر فكرة أن بما سأقرره في حينه

الميلاد	تاريخ الميلاد:	/ / ١٤ هـ
	مكان الميلاد:	/
المدرسة الثانوية	اسم المدرسة:	
	المحافظة:	
	الدولة:	
مكان إقامة الوالدين	المدينة:	المحافظة:
الحالة الصحية	هل تعاني أي من المشاكل الصحية الآتية:	
	<input type="checkbox"/> مشاكل في النطق <input type="checkbox"/> ضعف سمع أو صمم <input type="checkbox"/> ضعف إبصار أو عمى <input type="checkbox"/> إلتحباب الكبد الوبائي <input type="checkbox"/> قصور وظائف الكبد <input type="checkbox"/> مرض تكسر كريات الدم البيضاء <input type="checkbox"/> مرض فقر البانعة <input type="checkbox"/> أمراض القلب <input type="checkbox"/> مرض السكري <input type="checkbox"/> مرض الضغط <input type="checkbox"/> الحمى <input type="checkbox"/> الربو <input type="checkbox"/> أمراض الجهاز التنفسي <input type="checkbox"/> قصور وظائف الكلى <input type="checkbox"/> اضطرابات نفسية <input type="checkbox"/> مشكلة صحية أخرى:	
ثانياً	ما هو ترتيب رغبتك في القبول للكليات الصحية بعد إتمام برنامج السنة التحضيرية بنجاح؟ (ملاحظة : تحقيق الرغبة يعتمد على المعدل التراكمي والنسبة المرحبة للقبول وتوفر مقعد بكل كلية):	
	١.	٢.
ثالثاً	ما هو سبب اختيارك للرغبة الأولى (يمكن اختيار أكثر من إجابة) ؟	
	<input type="checkbox"/> رغبة وطموح شخصي <input type="checkbox"/> بسبب حصولي على معدل مرتفع <input type="checkbox"/> تحقيقاً لرغبة الأهل والأقارب <input type="checkbox"/> أسباب أخرى (حدد):	<input type="checkbox"/> المزايا المالية المتوقعة للخريجة <input type="checkbox"/> نظرة المجتمع الإيجابية لخريجة الكلية <input type="checkbox"/> الرغبة في الاقتداء بزميلات الدراسة
رابعاً	في حالة عدم تحقيق رغبتك الأولى بعد إتمام برنامج السنة التحضيرية ، ما هو القرار الذي ستتخذه؟	
	<input type="checkbox"/> أبحث عن قبول في جامعة أخرى <input type="checkbox"/> أقبل بالتخصص المتاح لي <input type="checkbox"/> أكرر فكرة أن بما سأقرره في حينه	<input type="checkbox"/> أحول إلى كلية أخرى غير الكليات الصحية <input type="checkbox"/> أبحث عن فرصة لابتعاث خارجي <input type="checkbox"/> أكرر فكرة أن بما سأقرره في حينه

التجارب :

دخلونا ٥٠ طالب في البداية ثم عينا نماذج استبيان
وبعدها بعشرة دقائق تقريباً بدأت المقابلة وكانوا ٣ اشخاص
وهذي أهم الاساله اللي جتني
ماهي المدرسة التي تخرجت منها ؟
ماهي درجاتك في القدرات والتحصيلي والمعدل التراكمي ؟
ماسبب اختيارك الطب البشري كأول رغبة ؟
في حالة عدم قبولك في الجامعة ماذا ستكون خطتك ؟
ماهي ابرز المصاعب في المسار الصحي والطب البشري تحديداً ؟
ابرز المشاكل المتعلقة بالصحة في المجتمع ؟
ماهو نوع الكتب الذي تقرأه ؟
ماهي هواياتك ؟
مانوع الأخبار التي تتابعها ؟
(عبدالعزيز)

السلام عليكم انا اليوم خلصت المقابلة الشخصية
والحمدلله كانت كويسة مرة ونفس الاجراءات اللي قلتوها بالضبط والكراسي البلاستيكية
المهم لمن دخلت المقابلة سلمت عليهم واستاذنتهم اجلس
بعدين قالولي عرف عن نفسك واذكر لنا مواصفاتك
وبعدها سالوني هل انت هادي او منفعل
بعدها سالوني اذا واحد عارضك او انتقدك شلون ترد عليه
بعدها سالوني عن المشاكل اللي تواجه المجال الصحي
بعدها قاعدين يسالوني هل انت مطلع عالسياسة وكذا قلت لا عشان لا يحجرون لي
بعدها قالولي هل لك في السوشل ميديا
وقاعد يسالني عن الواتس عن الرسائل اللي تجي فيه عن المجال الصحي
قالولي شلون تتعامل مع ذي الرسائل
وبس يعطيكم العافية ما قصرتوا معنا
ولولا الله ثم فضلكم ما كان سويت المقابلة كويس شكرا شكرا شكرا

سألوني اسئله احسها خارج اطار المقابلة عن سالفه كنت كاتبها بالاستثماره اللي لازم
نعبيها خلتهم يضحكون ، وان مكانتي في المجتمع لما اصير دكتور راح تأثر علي او لا ، وان لما
يقاطع كلامي كبير سن وسط مجلس او استراحه ويقول كلامك كله غلط في غلط وانت خراط
ماعندك سالفه ايش بيكون تصرفك ، و زوجتك لما يكون عندك اشغال ومواعيد وتبغاك تطلعها
ايش بيكون تصرفك ، في البدايه طبعا بيغونك تعرف عن نفسك اذا شافو المنطوق موزون
وتكانه بيحبونك وبيضحكون معك ونهايه المقابلة بيطمنونك انك مقبول وقالولي خلك قريب من
الجوال ..

سألوني ما هي الصفة اللي تتمنى ان تجدها في نفسك
ما الذي فعلته لتنمية مهاراتك
ما رايك في العمل الجماعي ولا العمل المنفرد
هي ست اسئلة
وهذا اللي اذكره

ابوك وين يشتغل ؟ وش المواد اللي تدرسها بعد التخصص ؟
واذا م نقيلت بالتخصص اللي تبيه وش بتسوي ؟
وش المصاعب اللي تحس انك بتواجهها بذراستك للطب
كيف تكون شغلتك تخدم المجتمع ؟

طبعاً انا هنا قمت اتفلسف وجبت العيد وقامو يعدلون لي :joy::joy:

وش الفرق بين المجال الصحي والمجالات الباقية ؟

قمت اتفلسف واقول بس المجال الصحي يختلف بنسبه كبيره عن الباقي حتى لو كان فيها
انسانيه المجالات الباقية بس م توصل انك تنقذ شخص بين الحياة والموت
ف الجانب الانساني بالمجال الصحي تقريبا طاغي اكثر من المجالات الباقية تكون بسيطه
بس لاحظت يدققون على الجانب النفسي وحركاتك وطريقة كلامك اكثر من الكلام نفسه
ويحاولون ينفرونك شوي
بس تبقى سهله الحمد لله

اول ٣ دقائق صراحه كنت خايف بس بعدين حسيت اني اسولف مع اخوياي وعادي الوضع مره
ويفضل انك تجي قبل المقابله بوقت عشان تدخل بسرعه وتكون من اول الاشخاص

من الملك

كم عدد الملوك ورتبهم

عدد الدول العربية

عدد الدول الاسلاميه

ذكر لي منطقه قريه من الهند يقول وش اسمها

فيه شي عالمي صاير وشو اللي هو كاس العالم

وواحد سألني وش تعرف عن الطوارئ

كيف طريقه عملهم

تتوقع انك قادر تستقبل الصدمات ؟

لو يتهاوش معك واحد في الطوارئ ويطقك وش بتسوي

ماقد اخذت دوران اسعاف او شي ؟

مقابله جامعه الملك سعود كانت مره ميسره حيث تمر بأربع محطات والمحبه الرابعه هي
المقابله ومتساهلين جداً فقط على الشخص ان لا يتردد ويبعد الخوف ويتكلم بكل اللي عنده

سلام عليكم جميعاً

انتهيت والله الحمد من المقابلة الشخصية

واقولكم انها سهله وماتحتاج اي توتر

لازم تحضر بطاقة الاحوال و شهادة اتمام الثانويه (كلها تجيب الاصل مب الصوره)

-الصراحه ما شافوا شهادتي بس انت جيبها احتياطاً

من ناحية المقابلة فأهم شي هو حضورك للمقابلة ، اذا حضرت فأنت مقبول بنسبة ٩٠% □

باذن الله ، انتظرنا نصف ساعه و بعدها دخلونا على قاعة محاضرات وعطونا ورقه فيها اسأله

وبناء على اجوبتك على هذه الاسئله راح يتم سؤالك عنها فيما بعد في المقابلة

من ضمن الاسئله بالورقه : سؤال ترتيب الرغبات

-السؤال للمقابلة فقط يعني ما يآثر على رغباتك بعدين

بعض الاسئله اللي جتني بالمقابلة:

- كم نسبتك ب (التحصيلي ، الثانوي ، القدرات) ، -ليش اخترت الصيدله كأول رغبه؟- , لو ما

انقبلت في الصيدله وش بتسوي؟

-لو فيه مريض خالفك بأمر ديني او سياسي هل راح تغير في ادويته شي؟ هل بتتعمد ايذائه

عشانه خالفك ؟

-وش رايك بقيادة المرأه؟

-تحب تقرا كتب؟

-هل بادرت في عمل تطوعي يفيد المجتمع؟

-لو نزلت مستشفى و شفت دكاتره واطباء هل راح تندم انك دخلت الصيدله وتتمنى انك

طبيب؟ (بيون يشوفون مدى تعلقك بهذا التخصص)

-من هو اهم شخص في المستشفى؟

-هل تقرا اخبار كثير؟

-وش تسوي بوقت فراغك؟

-وش هواياتك؟

(راشد)

اول شي دخلت قالي عرف عن نفسك قلت له اسمي ودرجاتي

وجلس يضحك معاي يقول خطك مره حلوه *خطي مو حلو اصلا يطقطع

بعدين سالني مدرستك بشرق الرياض صح؟

قلت اي قال حي النسيم الشرقي او الغربي قلت الغربي قال وش الفرق بينها قلت الشرقي

في الشرق والغربي في الغرب وكلهم ضحكو وحسيت اني جيت العيد وقال اهلك م يخافون

عليك من المشاكل ؟ انا لو ولدي بيروح هناك يخاف عليه قلت له مالومك والله وجلسو

يضحكون بعد ، قال شرق الرياض كلها مشاكل كيف ماتاثرت باللي حولك؟

قلت كل واحد يمثل نفسه وانا شخص عندي طموح وهدف اني اجيب درجات وادخل الجامعه

فما اتاثر باللي حولي ، بعدين سالني عن الامراض الشائعه بالمجتمع

قلت الضغط والسكر والسمنة والاكثاب ، بعدين قالي الاكثاب وش اسبابه بنظرك؟

قلت مثلا الطفل الصغير لما يبي يتكلم لاهله عن مشاكله او شي يخصه مايعطونه وجه لانه

طفل ف تتراكم عليهم الهموم من الصغر قالي طيب الكبير مايجيه اكتاب؟

قلت الا مثلا لو مر بصدمه او موقف معين.. قالي طيب الدين له علاقة بالاكتواب قلت اكيد

القرب من الله مريح للنفس بس مو لدرجه انه يصيبك اكتاب وقال ليش القدرات نازل مقارنة

بالتحصيلي والثانوي ؟ *لانني جيت ٨٤ بالقدرات والتحصيلي ٩٤ والثانوي ٩٩* ، هنا احس

عيدت قلت ماحب الرياضيات فما اعطيتها حقها في المذاكره.. قالي طيب لو ماقبلناك طب ولا

اسنان تخش صيدله؟ قلت اي بعدين احاول احول قال طيب لو ماحصلك الا طوارىء قلت بدخل

كل التخصصات الصحيه نفس الشي وهنا قاطعته كان بيسالني عن الطوارىء اذا اعرف عنه

شي بس ماتنبهت لانني كنت اتكلم وسكت وبس

ثانياً : جامعة الأميرة نوره



جامعة الأميرة نورة بنت عبد الرحمن
Princess Nourah Bint Abdulrahman University

التجارب :

- هذي الأسئلة اللي اتذكرها ..
- ١ - tell me about yourself
 - ٢ - ليش تبين تصيرين دكتورة ؟
 - ٣ - مين عندك من اهلك بالمجال الصحي؟
 - ٥ - لو ماقبلناك مثلاً بالطب البشري عادي تدخلين صيدلة او تمريض؟
 - ٦ - وش تتابعين مسلسلات؟
 - ٧ - كم مركبتك؟
 - ٨ - وش التخصص الدقيق اللي تبينه بعد الطب البشري؟
 - ٩ - عادي تشتغلين أوقات بالليل يعني؟ ينادونك تناوبين؟ ما عندك مشكلة؟
 - ١٠ - نورة كانت رغبة كم؟
 - ١١ - وش حبيك بجامعتنا؟

وبس حابّه انه على شيء لا تحفظون اجوبة لا تحفظون اجوبة لا تحفظون اجوبة، انتي سبحان الله بتلاقين نفسك لما تجاوبين بتقولين الصدق وبكامل عفويتك بدون ماتحسين على نفسك وفيه بكل لجنة الحبوبة والمتجهمه سو خليكم على طبيعتكم ووزعو نظراتكم على الكل شدوا ظهوركم وخليكم رزة وابتسمو كثير وتمسكو برغبتكم بالطب

اول ماجلست سالتني عن اسمي وقلتها ريناد
قالت مين هي ريناد؟ قلتها اسمي الكامل وعمري ونسبي قالت هذا كله عندي انا اعرفه تكلمي
لي عن نفسك عن شي انا ما اعرفه ؟
بعد كذا جلست تسال ايش تبغين تصيرين؟
ايش التخصص؟
انتى متوقعه انك بتنقلين؟
طب لو انقلتي بس مانقلتي طب وجراحه ايش بتسوين قلت لا ان شاءالله اني بنقبل قالت لا لو خلاص مانقلتي قلت يمكن اغير بس راح يكون شي بالطب لانى ابي الطب ومتمسكه فيه صراحه
ايش اهم شي بحياة الطبيب؟ وش يميزه ؟
ايش اللي خلاك تدخله هالتخصص
وفيه وحده تستلجع زبدتلي شوي يعني بس بعدين عرفت انها اهي اللي تحاول تستفز
لان موزونتي ٨٩,٩ واهي تقول لي درجاتك مو عاليه
بالبدايه لما قلت ما عندي حياه استقعدتلي احنا سكرنا الموضوع واهي تقول وشلون ما عندك حياه
فهميني

انا تجربتي بالمقابله كلها اسئلة شخصية حرفياً ، تكلمي عن نفسك هواياتك كيف علاقتك ببنات المدرسة قد سويتى اعمال تطوعية لما تشاركين بمشروع ايش اكثر شيء تسمعينه عن دورك
معاهم نقاط قوتك وضعفك
بس هذي اسئلتى
ومقابلتي كانت مرة قصيرة

يوم الأحد، الفترة الأولى .

لازم تدخلين عالجنة وتسلمين عليهم وتسلمينهم ورقة الترشيح بأبتسامة و-ما تجلسين الا لما يقولون لك تجلسين .-

خليك طول الوقت مبتسمة وجالسة جلسة صحيحة مو شابكة رجولك او يدينك ولا تلمسين شعرك أو وجهك لأن اللجنة عبارة عن ٣ ووحدة منهم تشوف كل حركاتك وتحلل شخصيتك وتقييمك بناءً عليها .
خليك مستعدة لكل أنواع الاسئلة اللي ممكن تجي ومجهزة جواب لها وإذا سألوك سؤال ماعرفتي اجابته لا تتوترين وخذي وقتك للإجابة .

من الاسئلة اللي جتني:

-عرفي عن نفسك باللغة الانجليزية

-عرفي عن نفسك باللغة العربية

-ليش اخترتي المسار الصحي

-قد اخذتي دورات اسعاف اولي

-لك إسهام بالمجتمع (إذا قد سويتي تطوع يعني)

-في احد من عائلتك بالمسار الصحي؟

-ليش جامعة نورة، وجوابي كان فيه لأن لها انجازات كثيرة، سألوني ايش انجازاتها؟

-وش هواياتك، وش تسوين بوقت فراغك؟

-لو مانقيلتي بالتخصص اللي تبغينه وش بتسوين؟

-نقطة ضعف بشخصيتك و - أيش سويتي عشان تتغلبين عليها - ؟

-نسبتك المركبة؟

-وش ناوية تتخصصين؟

-جامعة نورة كانت رغبتك الاولى؟ (اتوقع انهم يطلعون عالرغبات فكونوا صادقين)

توكلي على الله وأفعلي بالأسباب وبتيسر أمورك ان شاء الله أنتي بس حافظي على هدوئك

وجاوبي بصدق وموفقين ان شاء الله

كانت المقابلة مررره جمييله وسهله بشكل ممتع مره لايشيلون همّها وبعدين الاسئلة لا يحفظون يحطون في بالهم انها بتختلف من بنت لثانية لأن ع حسب شخصيتك بيحددون لك اسئلة.. انا

سألوني عن :

•اسمي ؟

•خريجة من أي مدرسة ؟

•معدلي بالمدرسه والتحصيلي والقدرات ؟

•سألوني ايهم كان اصعب التحصيلي ولا القدرات ؟

•سألوني وش ابي تخصص ولما حكيت طب بشري طلبوا مني التخصص اللي بعد البكالوريوس..

•سألوني اذا كنت ابي تمرّض ولما رفضت حاولوا يتستفزونني ب طلبهم ل السبب..

•وسألتنني اذا تطوعت من قبل ؟

الي يقابلون ٣ وحده منهم تحاول تستفز بكل الطرق، سلكوا لها.

اول شي قالتلي عرفي عن نفسك بالانقليزي، بعدين سألت عن الدرجات وسألت وش خيالك، لما

قلت قالت ليه طب بشري؟ ووش الخيارين الي بعده، قلت التغذية الاكلينيكيه قالت وشي التغذية

الاكلينيه؟ وكيف طبيعة عملها؟ ليه كثير بنات يبونها يعني، المهم سألت سؤال قالت هل هو يسوي

كذا؟ قلت ايه قالت لا ذا شغل الصيدلي :ولما سألت عن نقاط القوة وقلت الصبر لفوا على بعض

وضحكوا يقولون كل البنات يقولون كذا.. وسألوا عن نقاط الضعف بعد وبناءً على جوابي سألت لو كنتي

بالسنه التأسيسيه وغلطت الدكتوراه بمعلومه وانت متأكده منها شبتسوين؟

وقالت ماتشوفين القرار عاطفي؟

ثالثاً : جامعة الإمام



التجارب :

السلام عليكم ورحمة الله وبركاته

راح اتكلم لكم اليوم عن المقابلة الشخصية في الامام ونصائح وكذا يعني نضبطكم ماعليكم راح تكون المقابلة بإذن الله في الصباح والموقع كلية طب اول ماتدخلون بتلقون طالب في الكلية بيرشدكم ع الأشياء الي تسوونها وموقع المقابلة داخل الكلية ثم تنتظرون في مكان للإستراحة ثم ادخل بدون محد يناديگ افضل واهم شيء ماتدخل الا انت طاق الباب وبعدها بيحشرونك ع الخفيف عشان بيشفون مقدار تحملگ لضغوط فأنتبه تتردد او تقول نسيت او مادري قل الي عندگ لو فلسفة اهم شيء لا تقعد ساگت لأنها مقابلة مو جلست تحقيق

نصائح :: انتبه تسوي مثلي انا طلعت قبل المقابلة بنص ساعة لگن لقيت شوارع مليانه فتأخرت شوي ع المقابلة فلازم تروحون بدري مره لأن ماتدرون عن مشاكل طريق

وأخيراً لاتتوترون واتمنى من اي واحد قرأ الرسالة ماابي منك الا دعوة من قلب فأنا بأسمى الحاجه لها

جامعة الامام محمد بن سعود - بنات

س١/ عرفي عن نفسك في دقيقة ؟

س٢/ لو كان الي وراك في الكلاس يتكلمون وحت الدكتوراة وقات لك اطلعي برا وش بيكون ردة فعلك ؟

س٣/ لو تأخرتي عن المحاضرة دقيقتين بس الدكتوراة رفضت تدخلك ؟

س٤/ لو خليتي محفظتك في الكلاس عند زميلاتك وطلعتي ويوم رجعتي ما حصلتها وش بتكون ردة فعلك ؟

س٥/ قد تطوعتي ووين ؟

س٦/ عندك من الأهل دكاترة؟

س٧/ الصعوبات الي بتواجهك كونك امرأة سعودية طبية ؟

س٨/ قولي صفات فيك بتساعدك في تخصصك؟

س٩/ رايبك عن قضية اجتماعية او سياسية ؟

س١٠/ وش دور الطبيب اجتماعياً ؟

س١١/ وش تحسبن صعب في الطب ؟

مقابلتي اليوم في جامعة الامام صحي

□ _ □ عرفي عن نفسك

و ليش اخترتي الطب و في احد من اقارب في الطب و هل انتي اجتماعيه و ما تخافين ان الطب ياخذ وقتك و حياتك الاجتماعيه ؟

و ردة فعلك لو الدكتوراة طردتك من المحاضرة لانك مزعجه وانتي ما سويتني شيء ؟ و هل بتقدرين

تتحملين ضغط الدراسه؟ ووش ممكن تسبب لك من مشاكل ؟

حدث مؤثر عليك بحياتك؟ - مشكلة حصلت لك؟ - ووش المشاكل اللي ممكن تتعرضين لها

بالمستشفى بعدين

واخر شيء قالو عندك سؤال توجهينه لنا؟

سألتنني اول شيء عرفي عن نفسك ، انتي خريجة العام وين كنتي؟(بالحرس) ، وش تخصصتي هناك؟ ، وش اللي يخليك تحبين الطب ، موقف صارلك واثر فيك ، عطيني نقطة ايجابية ونقطة سلبية فيك ، اذا كنتي بمحاضرة وصدقتك كل شوي تسألك والدكتورة شافتك حسبتك تسولفين وطررتك ايش بتسوين ، ايش دور الطبيب غير العمل بالمستشفى ، شاركتي بأشياء او حملات تطوعية ، اذا كان لك رأي مخالف لرأي صديقتك هل ممكن انها بتأثر فيك او راح تضلين متمسكة برأيك(لما جاوبتها انو لا ممكن انا ااثر فيها وممكن هي تأثر فيني على حسب قوة الحجج اللي معها قالت حلو لأن الطبيب لازم مايكون متشدد ومتمسك ومتشبت برأيه ويتقبل اراء باقي الفريق الطبي) ، انتي عارفة ان دراسة الطب صعبة وطويلة وتتوقعين بتتحمليين؟ ، طيب هل انتي اجتماعية اصلاً او دراسة الطب بتاخذ منك حياتك وتخليك منعزلة عن المجتمع ، صعوبات تواجهها الطبية

انا اليوم كانت مقابلتي بالامام
اول شيء قالوا لي عرفينا عن نفسك
وسألوني عن جامعتي القديمة ليش طلعت منها وطولوا شوي :sweat_smile:
بعدين سألوني ايش ممكن تواجهه الطبية بنظرك؟
-ايش هواياتك؟
-كيف بتوقعين بين الطب وممارسة هواياتك؟
-اذا تزوجتي هل تتوقعين سهل انك توفقين بين بيتك والشغل؟
-قد تطوعتي بمكان؟ ووين؟
-صفة مميزة تتصفين فيها؟
-اذا كان فيه دكتورة انتقدتك بوسط مجموعة كيف بتتردين عليها؟
-وين ممكن يستغل الطبيب مهنته غير المستشفى؟

^تقريباً كانت هذي الاسئلة كلها
موفقين.

-عرفينا عليك ؟
-اي مدرسة درستي ؟
-ليش اخترتي الصحي ؟
-ليش اخترتي الامام من بين الجامعات ؟
-مركبة الثانوي ؟
-ايش هواياتك ؟
-كيف توفقين بين الهوايات و دراسه الطب ؟
-هل انتي اجتماعية ؟
-كيف توفقين بين حياتك الاجتماعية و دراستك للطب ؟
-هل لك أقارب أطباء؟
-ايش الاشياء الي تميزك عن البقية ؟
-ايش دور الطبيب في المجتمع ؟
-ايش الاشياء الاجتماعية المنتشرة ؟
-لو كنت في مجلس و تعارضت وجهة نظرك مع احد ايش بتسوين ؟
-برأيك ايش الصعوبات الي تواجه طالب الطب و الطبيب ؟
-عمل تطوعي سويتيه ؟
-لو تقدم لك احد ممتاز بس رفض وظيفتك ايش بتسوين ؟
-وش ردة فعلك عن كلام الناس و ان التخصص فيه اختلاط و ممكن تكون مشكله ؟
-لو في يوم طررتك الدكتورة من الكلاس بسبب كلامك الكثير و أنتِ مو الي تتكلمين وحده وراك ،
ايش بتسوين لحظتها ؟
-حدث مفرح او محزن أثر فيك ؟؟

رابعاً : جامعة الحرس



التجارب :

في البداية كانت فيه اكثر من قاعه وفيها اكثر من مقابل واعتقد انهم دكاترة في الحرس او موظفين يعني " الي قابل معي كان صيدلي ". انتظرت دوري بعدها دخلت وسلمت عليه وسألني عن اسمي بالعربي بعدها قلب انجليزي وكان اول سؤال له " what school did you go to " وفاجأني للامانه بحكم ان كل التجارب الي قريتها قالوا ان المقابلة تكون بالعربي. عموما جاوبت وثاني سؤال له كان اي جامعة تبغى تروح لها - برضو بالانجليزي - وكان سؤال غريب بحكم اني قاعد اتم قبولي ف جامعة الملك سعود للعلوم الصحية. عموما جاوبت عليه مع ذكر اسم الجامعة وبدأ يسأل بطريقة سوالف. اسئلة شخصية نوعا ما عني. مثلا اذا انا اكبر اخواني او عن درجاتي. وسألني اي تخصص ابغاه وبعد ما جاوبته سألني ليش وكذا كانت اغلب اسئلته " ليش " يعني يبغى يشوف اخر حد لي بالانجليزي اعتقد. عموما السؤال الوحيد الي اعتقد ممكن يتكرر عند اغلب الناس هو " اذا ما انقبلت بأول رغبة لك الي هي الطب وش رح تسوي ؟ " وهنا لعبت على الوتر الحساس وقلت بكون ان شاء الله صيدلي عظيم مثلك. هذي تجربتي باختصار مع التذكير ان كلها بالانجليزي

طبعاً كان وقت مقابلتي من ٨:٣٠ رح ٧:١٤ ما خرجت الا ١١:٥٠ مقابلتي يادوب دقيقه الأسئلة كانت (وكلها عربي طبعاً:)
*عرفي عن نفسك
*كيف مستواك فاللغه
*لو ما انقبلتي طب بشري ايش بتسووين .
كلها كانت سريعه كلمه ورد غطاها وجميع الي قدموا فالحرس قبلوهم فلا تشيلون هم

كلها تعبى اوراق وكمان اختبار الإنقلش والبنات كثير ، وصح لازم تجيبون معاكم اقلام عشان ما تتأخرون زياده

سالتني عن سبب اختياري الحرس وعن الانجلس
وقلت انه كويسة لغتي بعدين قعدت تسألني بالانجليزي
تسال اذا هذا خيارك ولا احد ضاغط عليك؟
وعلى حسب اجوبة البنت تجي الاسئلة
يعني اذا سألتها اول سؤال وقعدت تتفلسف كثير يحشرونها
+سبب اختيارها للصحي

-الاسئلة ممكن تكون بالعربي او الانجلس على حسب اللجنة اللي تقابلك

-لازم تجهزون تعريف للنفس باللغتين لانه اكثر سؤال يتكرر

-الحرس (الرياض) من اسهل واخف واسرع المقابلات والاغلب اذا مش الكل مقبول

-جيبو معاكم اقلام عشان تعبون اوراق لبياناتكم

ختاماً : هذا الملف تم انشاءه لتخفيف رهبة وخوف المقابلات الشخصية
وتذكروا دائماً ان بمجرد تم قبولك لآداء المقابلة فهذا يعني ياذن الله قبولك بنسبة ٩٥%

الملف سيتحدث باستمرار وراح تنزل التحديثات بحساباتنا في تويتر وقناة التلقرام

فيصل @okkk_i

عبدالرحمن @99_abdulrhman

سارة بندر @sar1998ah

شادن @fmmcshad_

قناة التلقرام : https://t.me/Riyadh_interviews

بالتوفيق لكم جميعاً.